

**Қазақстан Республикасы Үкіметінің 1999 жылғы 8 қыркүйектегі N 1334 қаулысына толықтырулар мен өзгеріс енгізу туралы**

*Күшін жойған*

Қазақстан Республикасы Үкіметінің 2004 жылғы 18 маусымдағы N 671 қаулысы. Күші жойылды - ҚР Үкіметінің 2004.11.24. N 1232 қаулысымен.

Көлік кешеніндегі қауіпсіздікті қамтамасыз ету мақсатында Қазақстан Республикасының Үкіметі қаулы етеді:

1. "Қазақстан Республикасының Көлік және коммуникациялар министрлігі Көліктік бақылау комитетінің мәселелері" туралы Қазақстан Республикасы Үкіметінің 1999 жылғы 8 қыркүйектегі N 1334 қаулысына (Қазақстан Республикасының ПҮКЖ-ы, 1999 ж., N 45, 413-құжат) мынадай толықтырулар мен өзгеріс енгізілсін:

көрсетілген қаулымен бекітілген Қазақстан Республикасы Көлік және коммуникациялар министрлігінің Көліктік бақылау комитеті туралы ережеде:

1-тармақ мынадай мазмұндағы үшінші абзацпен толықтырылсын:

"Көліктік бақылау комитеті және оның аумақтық органдары осы Ережеде белгіленген шекте әрекет ететін көліктік бақылау органдарының бірыңғай жүйесін құрады." ;

11 - тармақта :

3) тармақша "бақылаудан" деген сөзден кейін "және қадағалаудан" деген сөздермен толықтырылсын ;

15) тармақшадағы "әскери теңіз жалауымен" деген сөздер "Қазақстан Республикасының Әскери-Теңіз Күштерінің және шекара қызметінің теңіз бөлімдерінің жалауымен" деген сөздермен ауыстырылсын;

16) тармақшадағы "қатысуды" деген сөз "бақылауды, қадағалауды және қатысуды" деген сөздермен ауыстырылсын;

12-тармақ мынадай мазмұндағы 3-1), 5-1), 5-2), 5-3), 5-4) және 5-5) тармақшалармен толықтырылсын:

"3-1) бөлінбейтін ірі көлемді және ауыр салмақты жүктерді тасымалдау жағдайларын қоспағанда, Қазақстан Республикасының аумағы бойынша ірі көлемді және ауыр салмақты жүктердің автомобильмен тасымалын жүзеге асыруды болдырмау жөнінде Қазақстан Республикасының заңнамасында көзделген тәртіппен және жағдайларда шаралар қабылдау;

5-1) Қазақстан Республикасының заңнамасында көзделген тәртіппен және жағдайларда жеке тұлғаны әкімшілік ұстауды, көлік құралын шағын өлшемді

кемені ұстауды жүзеге асыруға, тұлғаның жеке басына тексеріс және заттарына тексеріс жүргізуге, көлік құралдарына, шағын өлшемді кемелерге тексеріс жүргізуге;

5 - 2 ) м ы н а л а р д ы :

құқық бұзушылық жасалған жерде не әкімшілік құқық бұзушылық туралы іс жүргізуді қамтамасыз ету шараларын қолдану кезінде табылған құқық бұзушылық құралы немесе объектілері болып табылатын жеке адамның өзіндегі құжаттар мен заттарды;

әкімшілік құқық бұзушылық жасалған жерде не заңды тұлғаға тиесілі аумақтарға, үй-жайларға, көлік құралдарына, тауарларға, өзге де мүлікке тексеру жүргізу кезінде табылған әкімшілік құқық бұзушылық жасау құралы немесе оның тікелей объектісі болған, заңды тұлғаға тиесілі құжаттарды тауарларды, өзге де мүлікті, заттарды алып қоюды жүзеге асыруға;

5-3) жүргізушілерді, кеме жүргізушілерді көлік құралын, шағын өлшемді кемені басқарудан шеттетуге және оларды мастық күйіне медициналық куәландыруға жіберуге;

5-4) өз құзыреті шегінде заңды тұлғаға тиесілі аумақтарға, жайларға, тауарларға, өзге де мүлікке, сондай-ақ құжаттарға тексеру жүргізуге;

5-5) өз құзыреті шегінде әкімшілік құқық бұзушылықты жасау құралы немесе оның тікелей объектісі болып табылған заңды тұлғаға тиесілі тауарларға, көлік құралдарына және өзге де мүлікке тыйым салуға;"

16) тармақша "бұзғаны үшін" деген сөздерден кейін "сот шешімі бойынша" деген сөздермен толықтырылсын;

19-тармақтағы "техникалық құралдары" деген сөздер "техникалық құралдарын, арнаулы су көлігі" деген сөздермен ауыстырылсын.

2. Осы қаулы қол қойылған күнінен бастап күшіне енеді.

Қ а з а қ с т а н Р е с п у б л и к а с ы н ы ң

*Премьер-Министрі*